

訓

廂黃旗滿洲忠烈傳 卷一



八旗通志初集卷之二百二十

忠烈傳

忠烈之性。上天賦畀之恒。而八旗為尤著。蓋

國家教化之深。思德之厚。激厲奮發而至於斯也。

我

朝自

祖宗以來。待臣民

恩意隆洽。至於軍功。卹賞尤厚。故人以偷生巽懦為恥。

而以見危授命為榮。逮我



世宗憲皇帝御極。尤加意致命諸臣。雍正二年十月。特旨諭九卿詹事科道云。朕惟周禮有司勳之官。凡有功者書銘太常。祭於大烝。祭法曰。以死勤事則祀之。凡以崇德報功。風勵忠節也。我

太祖高皇帝肇造鴻圖。

太宗文皇帝式廓區夏。

世祖章皇帝奄有萬邦。自創業以至定鼎。將帥之臣。致命立功者不少。

聖祖仁皇帝臨御六十一年。中間殲滅三逆。永清朔漠。以及平定西藏臺灣。雖天戈所指。如疾風振槁。而師武臣之捐軀馬革。及守土官之見危授命者。所在多有。邇者青海蕩平。西域効順。然自用兵以來。將士奮勇前驅。亦有歿於行陣者。此皆盡忠報國之臣。朕甚嘉之。亦甚憫之。當於京城建立祠廟。春秋妥侑。世世血食。其偏裨士卒。力戰敵愾。舍生取義者。亦附列左右。以褒崇大節。揚表芳徽。俾遠近觀聽。勃然生忠義之心。於治道亦有裨益。仍令翰林官纂其籍貫事跡。各爲立傳彙成一編。垂諸永久。爾等悉心詳議具奏。

大哉

王言恩意之隆茂以加矣。祠祀既建，忠烈益昭，人心共勸。然備考彙報名冊，則籍隸八旗者，殆當其半。豈非化行自近，漸被

聖教為尤深哉！今纂修八旗志書，凡王公大臣功業弘偉，不止於致命一節者，循倣史例，各立列傳。其官秩稍卑，別無建樹者，並稽其慷慨從容，臨難不苟之蹟，作忠烈傳。

忠烈傳一

鑲黃旗滿洲官員

巴希 巴圖魯 覺羅何賴

昂錦

胡密普

哈爾漢

古郎阿

于躍龍 子于英 于貴

奇藍普 庫爾庫德

阿岱

葉中額 孫哈寶庫

旦代

巴林 六世孫南泰

圖魯石 子舒書

薩哈達 大海 巴哈里

楊愛 子雅他立

色勒 子牛鈕

納海 隋哈 倭赫

夏穆達 子常孫

哈麻海 薩彌 白思護

古楞格

邁蘭

柴達 索爾敦

巴特瑪

瓦爾答 僧色禮

赫西根

喀士奇 英格 禮 吳世泰

滕克 薩音達禮

殷達渾

訖 馬海 默爾庫勒 伯諾和 顧理 五塞 納星額 艾圖 覺

羅郭和里 傳穆拜 穆成額 多 爾科

諾莫渾

馬喇希

勒特熙

阿爾賽 博洛

薩哈連 那桑阿

胡世塔

和托 祖翁阿代

花色 圖弼赫

哈寧阿

四格色 大伊 胡什布

邁圖

覺羅努里勒

額亦圖

董重民

阿爾富喀

赫色 鄂代 蒙氏

韓大任

常五 喀喀齊 覺和託

薩哈連 雅隆阿

老格 道煙

馬蘭泰

巴朗

諾里爾達 祈穆禪

德明常存

達色

德福受

安啟

烏爾察圖

理興

額什特 按達海

七十六  
安泰

即保

見名臣 超哈爾

達海

見名臣 阿哈尼堪

吳爾格

見名臣 圖爾

龔宸

見名臣 雅希禪

拉都渾

見名臣 內爾

吳沙

見名臣 胡沙

格克里

見名臣 額楚

吳庫

見名臣 聶牛克

多博

見名臣 色鈕克

拖紐

見名臣 辛泰

伊蘇

見名臣 額紉禪

黑達色

見名臣 常祿

巴希滿洲鑲黃旗人姓傅察氏世居訥音地方

天聰元年以備禦世職隨大兵攻錦州城中兵

出戰我兵迎擊之復驅入城巴希與遊擊覺羅

拜山不待大兵至衝入敵陣遂戰歿八年議卹

加贈二等甲喇章京同旗有巴圖者姓瓜爾佳

氏世居哈達地方隨墨爾根征寧遠時陣亡卹

贈牛录章京兼半箇前程世職又有覺羅阿賴

者

景祖翼皇帝之曾孫也天聰八年從征明擊薊州步兵

奮勇深入陣亡卹贈牛录章京世職

葉中額滿洲鑲黃旗人姓瓜爾佳氏世居訥音地方其父山燕於

國初率八十丁來歸葉中額授貝勒轄員隨征烏

喇陣亡其孫哈實庫亦以護軍從征陣亡卹贈

七品官以其子喀泰承襲

昂錦滿洲鑲黃旗人天聰八年隨大兵征大同攻王家莊城於攻毀處首先登城克之以功授半箇前程崇德元年五月同俄屯徃征瓦爾喀

部落獲男子三百六十一婦女三百六十二幼小一百四十七馬牛一百有二併人參及貂獐狸獾狼獾等裘無算又以征額黑庫倫厄勒岳色地方時紀功一次尋徃義州管固山官田獲

糧甚多又徃寧遠同梅勒章京阿拉善設伏擊

敗明寧遠兵順治元年十月隨定國大將軍豫

親王多鐸南征破流賊平定河南俱有功大兵

進攻潼關有流賊馬步兵自山上來犯奮力迎

擊中箭陣亡三年議卹贈牛录章京兼半箇前

程世職

旦代滿洲鑲黃旗人。姓伊喇立氏。世居葉赫地。方初任擺牙喇甲喇章京。崇德元年十一月二十九日。率擺牙喇取白山安水城。論功授半箇前程。四年三月。同鰲拜巴圖魯率擺牙喇沿錦州城畧地。獲馬十四匹。羊一百七十隻。殺二十人。五年十月。復以戰功陞牛录章京。加半箇前程。七年八月。從大兵取錦州。以步戰擊明經畧洪承疇兵陣亡。尋議卹。超贈一等甲喇章京。世

職

胡密普滿洲鑲黃旗人。姓佟佳氏。初以章京品級駐防天瑞山。追捕逃人斬六十人。生擒五十人。崇德三年。隨武英郡王阿濟格征明。率四旗噶布什賢兵從昌平州往北京。設伏擊敗敵騎。兵五百。獲馬七十九匹。又率每旗十人往通州。捉生斬明哨兵百人。獲馬五十七匹。旋往探視蘆溝橋。擊敗敵兵百人。獲馬三十二匹。奉遣往取紅衣大礮。遇明郭太監及總兵祖大弼兵三

百人敗之獲馬四匹又率八旗噶布什賢兵往  
北京城偵探遇敵兵七百敗之獲馬二十匹東  
往遵化擒敵哨騎二十西出蘆溝橋偵探遇敵  
兵百人自保定府來敗之獲馬三十四匹凡經  
哨探斬殺甚衆共生擒十三人紀功一次九月  
隨奉命大將軍睿親王多爾袞征明攻松山同  
索渾喀齊海納海遇祖大壽步兵敗之四年同  
納海等畧杏山獲牛三十九頭羊三百餘又救  
出額爾克代青部下一人五年隨睿親王圍錦

州左翼兵遇敵胡密魯身先士卒擊敗敵兵又  
敗杏山騎兵於汛地旋出哨生擒九人屢著功  
績授半箇前程七年十月隨奉命大將軍阿巴  
泰征明至豐潤縣同噶喇昂邦等擊范軍門兵  
敗之獲馬一百匹駱駝五隻至玉田縣夜遇明  
千總二人率兵百餘來窺我師同侍衛圖納擊  
敗之獲馬十三匹八年進至山東攻青州府昂  
邦章京多爾濟公圖爾格令同鄂碩前驅往尋  
駐營地遇明趙軍門兵出取草卽追擊敗之獲

馬三十八匹。回至德州城北。同索渾擊敗敵兵。又同趙布泰色赫穆多噶爾喇代擊敗明將司馬獻兵。獲馬五十四匹。我兵有科爾沁二人。被至渾河。率師造橋以渡。明范軍門率兵來躡我軍。後胡密普同梅勒章京內爾特擊敗其衆。生擒遊擊一人。出邊時。胡密普同阿爾布尼鄂碩梅勒章京鄂羅塞臣殿後。明范軍門吳總兵領衆來追。並敗之。獲馬四十匹。順治元年。隨睿王

多爾袞至山海關外。擊敗流賊唐通兵於一片石。又隨英親王阿濟格追流賊至安肅縣。斬殺甚多。又追至慶都縣。同噶喇昂<sub>邦</sub>西特庫誘擊賊兵。敗之。同固山額真譚泰追賊步兵。擊斬甚衆。每出兵。胡密普輒爲前哨。共擒<sub>敵</sub>哨十三人。斬一百三十九人。二年。欽功加授牛录章京。又加半箇前程。世職十月。隨豫親王多鐸南征。破流賊潼關之戰。同鄂碩擊敗山上賊兵。旣我兵據山頭。賊步兵來犯。復率本固山前鋒兵乘勢而

下擊敗其衆賊馬兵來犯公圖賴軍卽率前鋒  
兵助擊敗之又於潼關埋伏連敗流賊馬兵又  
敗其步兵兩營三年五月至南京同鄂碩前驅  
至句容縣敗敵步兵二千餘又有敵兵千餘堵  
截道路同鄂碩衝擊敗其衆六月隨貝勒博洛  
進征浙江至杭州府擊偽大學士馬士英生擒  
總兵一人至錢塘江擊偽總兵方國安中烏鎗  
歿是年議卹加贈二等甲喇章京世職  
巴林滿洲鑲黃旗人姓瓜爾佳氏世居酸尼地

方崇德三年從揚威大將軍貝勒岳託證明以  
雲梯攻深州首先登城陣亡四年議卹贈牛象  
章京世職南泰者巴林之六世孫也初襲拜他  
喇布勒哈番兼管佐領雍正七年隨大將軍公  
傅爾丹征準噶爾九年與賊遇於和通胡爾漢  
諾爾地方南泰力戰陣亡

賜祭一次卹贈拖沙喇哈番以其子佐領貴山承襲

哈爾漢滿洲鑲黃旗人姓佟佳氏世居住哈地  
方崇德<sup>五</sup>年隨征明圍錦州有松山馬兵來犯

我紅衣礮營哈爾漢同甲喇章京丹代擊敗之  
順治元年隨睿王多爾袞入山海關破流賊二  
年同葉克舒擊流賊追至延安府率甲士四十  
名駐守南山有流賊馬步兵來犯駐守兵敗因  
同正白旗教賓力戰不退受傷而歿三年議卹  
授牛录章京世職

圖魯石滿洲鑲黃旗人姓納喇氏世居葉赫吉  
當阿地方初爲理藩院副理事官順治元年隨  
英親王阿濟格擊流賊敗之又敗之於慶都縣  
三年隨德豫親王多鐸追騰機思擊敗喀爾喀  
碩羅汗兵又擊土謝圖汗兵敗之五年往蒙古  
送

詔書值鄂爾多斯賈木蘇叛亂被害六年議卹贈拖沙  
喇哈番以其子舒書承襲九年兩遇

恩詔加至拜他喇布勒哈番兼一拖沙喇哈番十一年  
寧海大將軍宜爾德征浙江舟山舒書從征偽  
英毅伯阮思率船六百餘隻於海上拒戰舒書  
同梅勒章京顧魯古等以舟師擊敗之偽總制

陳六御等乘船二百餘隻迎敵。復同署蘆章京尼牙達以舟師擊之。擒斬偽總兵張興。十四年議敘。加世職爲三等阿達哈哈番。康熙元年。隨定西將軍愛星阿由雲南進緬甸國於阿娃城。獲偽桂王在事有功。康熙十三年。逆藩吳三桂反。舒書從征至四川。偽將軍吳之茂會同昭化縣偽總兵彭時亨等率五千餘賊乘船二十餘來犯廣元縣。舒書同副將張登科敗之。十四年從征陝西叛鎮王輔臣。至漢中府。偽將軍王屏藩率三千餘賊營於漢中西長寨。尋渡江來襲我兵。後舒書回軍敗之。進至猴子嶺。偽將軍王屏藩同叛鎮譚洪等率數千餘賊拒戰。復敗之。又敗偽將劉慶成。距漢中二十里有偽陳楊二總兵陳兵於江之兩岸。進擊敗之。至漢中東門關廂滿水橋。遇偽劉副將埋伏五百餘賊猝起。仍擊敗其衆。進攻前湖營。敗偽總兵陳鳳煥。至鍾家營。偽總兵譚洪自帥五千餘馬兵來戰。仍敗之。進至溝家營。敗偽總兵楊應芳六千餘賊。

並在行間著有功績。康熙二十五年議敘。加世職爲二等阿達哈哈番。

古朗阿滿洲鑲黃旗人。順治二年以壯尼大從英親王阿濟格征流賊。至延安府賊以馬步兵來犯。正白旗守汛古朗阿隨纛章京希爾根擊敗之。追流賊至湖廣。復隨希爾根往圍承天府。奪獲賊船。又追至大江。有賊船五百隻泊於江干。古朗阿與希爾根乘船先至。遂取其船。又隨纛章京哈寧阿希爾根擊敗賊衆。追至富池口。

獲其船。並擊敗河岸駐扎諸賊。三年從肅親王豪格征四川流賊。至三寨山。隨希爾根擊敗賊將高汝勵。賊渠八大王張獻忠率大隊賊衆迎戰。古朗阿隨衆進擊敗之餘賊。復來犯我師。同胡里布擊敗其衆。又有賊兵馬步三路來犯。古朗阿奮勇進擊陣亡。五年議卹。贈拖沙喇哈番。薩哈達滿洲鑲黃旗人。順治五年以壯尼大從征大同。叛鎮姜瓖有賊帥率步兵來援。薩哈達力戰陣亡。八年敘卹。贈拖沙喇哈番。同旗有擺

牙喇甲喇章京大海者。姓傅察氏。世居唐五包。明安木地方。順治九年。隨巴圖魯公鰲拜征河南。擊賊將孫國旺。陣亡。卹贈拜他喇布勒哈番。兼一拖沙喇哈番。又有駐防江寧。分得撥什庫。巴哈里者。順治十六年。於辰州擊海賊鄭成功。陣亡。卹贈拖沙喇哈番。

于躍龍。鑲黃旗滿洲包衣人。副將于守福之子也。初任

盛京固山助教訓士。有方。順治二年。課績報最。授

江西袁州府知府。五年冬。陞福建屯田水利副使。道未及赴任。猝遇提督金聲桓反叛。逼躍龍降。躍龍抗節不從。又痛詈之。聲桓怒。斬躍龍懸首於城樓。復執躍龍二子于英于賢貴併殺之。六年。征南大將軍譚泰統兵至江西。勦滅金聲桓。九年。江西撫臣等以躍龍死節事上。

聞十年七月奉

恩旨。優卹。差禮部侍郎恒克德等致祭。追贈光祿寺卿。楊愛滿洲鑲黃旗人。姓李佳氏。世居查坤漠地。

方順治五年從征大同叛鎮姜瓖繼準塔登城  
爲賊所傷而歿九年敘卹贈拜他喇布勒哈番  
子雅他立承襲官刑部郎中十四年授杭州固  
山大十八年十一月十五日海賊鄭成功陷鎮  
江瓜州犯江寧杭州駐防將軍遣兵赴援雅他  
立行間指揮我兵敗賊敘功加一拖沙喇哈  
番康熙十一年累陞至杭州副都統

奇藍普滿洲鑲黃旗人順治十三年以撥什庫  
隨將軍喀喀木征海賊在江寧瓜州得傷康熙  
十三年隨副都統綽克托征逆藩吳三桂在四  
川重慶府與賊力戰又得傷遂卒於軍卹贈拖  
沙喇哈番同旗有撥什庫庫爾庫德者姓烏查  
喇氏世居薩哈連烏喇地方從征雲南在磨盤  
山陣亡卹贈拖沙喇哈番

色勒滿洲鑲黃旗人順治十四年以委署擺牙  
喇壯尼大隨征僞桂王至湖廣駐扎荊州僞總  
兵田國欽黃世桂等欲來投誠爲賊兵所阻色  
勒隨纛章京鄂諾等前往擊敗賊衆田國欽等

來降。至貴州涼水井，敗僞侯李成蛟。進至雙河口，遇僞晉王李定國，色勒力戰陣亡。十八年，議卹贈拖沙喇哈番子牛鈕，承襲。康熙十四年，牛鈕從定南將軍希爾根征逆藩耿精忠，至江西撫州鍾家嶺地方，有僞都督易天錫及葉高二僞將軍率馬步四萬餘拒敵。牛鈕力戰，亡於陣。二十五年，議卹由拖沙喇哈番加贈爲拜他喇布勒哈番。

阿岱，滿洲鑲黃旗人。順治十五年，以拖沙喇哈番銜從征貴州，至魯嘎地方，敗僞晉王李定國。康熙十五年，從安遠靖寇大將軍貝勒尚善征逆藩吳三桂，至湖廣岳州，僞將軍吳應麒、柯鐸高起龍、廖進忠等率四萬餘賊拒戰。阿岱奮擊陣亡。卹贈拖沙喇哈番。

納海，滿洲鑲黃旗人。初任佐領。順治十六年，以委署叅領，隨平南將軍賴塔征福建海寇，攻廈門陣亡。卹贈拜他喇布勒哈番。是役本旗有壯尼大隋哈，亦以力戰陣亡。又有倭赫者，康熙十

三年隨寧海將軍喇哈達征福建海寇在海澄縣陣亡各卹贈拖沙喇哈番

夏穆達滿洲鑲黃旗人順治十七年以護軍校隨安南將軍羅託往福建征海賊鄭成功賊船六百餘來攻廈門至城堡舉夏穆達同護軍校圖布新奮力前戰逼近廈門岸中傷陣亡康熙二年議卹贈拖沙喇哈番以其子常孫承襲三十五年常孫從征厄魯特噶爾丹由西路進兵有功議敘加世職爲拜他喇布勒哈番

哈麻海滿洲鑲黃旗人姓納喇氏世居烏喇地方康熙三年以護軍校從定西將軍圖海等征湖廣茅麓山賊至賊寨門築牆處率所部擊敗賊衆三百餘又於山嘴擊敗賊兵四百進至門下與賊五百<sup>餘</sup>人力戰賊敗哈麻海亦亡於陣四年議卹贈拖沙喇哈番同旗有驍騎校薩弼弼亦以是役同和羅齊巴圖魯與賊力戰薩弼弼歿於陣又有護軍校白思護姓蒙古里氏世居虎爾哈地方亦以是役力戰陣亡各卹贈拖沙喇哈

番

古楞格滿洲鑲黃旗人世居白山松阿里河源  
地方康熙三年以驍騎校從征湖廣流賊至茅  
麓山長茆嶺有三千餘賊迎犯古楞格力戰敗  
之賊首李來亨子率四千餘賊砌塚口排列火  
器挨牌拒敵復大敗之進至上王坪賊首李來  
亨親率五千餘賊分八路來犯復隨將軍等奮  
力進戰敗賊三千餘十三年逆藩吳三桂反十  
五年貝勒尚善由湖廣進勦至岳州府偽將軍  
吳應麒廖進忠馬寶張國柱柯鐸高起隆等率  
七萬餘賊拒戰古楞格隨貝勒進擊敗之渡河  
追至醴陵縣有偽將軍馬寶等率三萬餘賊來  
戰遂亡於陣二十五年敘卹贈拖沙喇哈番

邁蘭滿洲鑲黃旗人姓布爾機氏世居阿爾達  
額爾蘇地方伊父巴爾巴圖魯係蒙古察哈爾  
貝勒率屬來歸授三等梅勒章京世職邁圖於  
康熙三年以護軍叅領銜從定西將軍圖海等  
征湖廣山賊賊渠李來亨據茅麓山巖偽總兵

四人副將四人聚衆千餘拒敵。邁蘭率本甲喇兵隨將軍進攻，敗之。十三年，逆藩耿精忠反於福建，邁蘭從定南將軍希爾根由江西徃征。九月，賊兵犯撫州府，僞都督易天錫擁賊七千餘入城。邁蘭率本甲喇兵隨將軍奮擊，賊敗走。又有賊自建昌府來助，合撫州五千餘賊，兩路夾攻我師，復擊敗之。又敗楊梅鋪賊二千餘。僞都督楊益茂率六萬餘賊於七里岡拒戰，隨將軍等敗之。又敗賊周福洪衆三千餘於界牌鋪之北山。饒州府景德鎮有僞郭都督率馬步賊萬餘據鎮，邁蘭隨將軍希爾根攻敗之。至沉香山坡，賊首程鳳率七千餘賊拒敵，邁蘭力戰陣亡。二十五年，議卹贈拖沙喇哈番。

柴達滿洲，鑲黃旗人，姓巴牙喇氏，世居松阿里烏喇。康熙十三年，以護軍校從征逆藩吳三桂。四月，隨都統鄂鼎至湖廣彝陵，敗賊帥陶繼智。進至潭嶺山，僞將軍王鳳岐劉之復等率一萬六千餘賊拒敵，柴達力戰陣亡。二十五年，議卹。

贈拖沙喇哈番同旗有護軍校索爾敦者亦以  
隨征吳逆在湖廣沿山嶺地方擊僞將軍馬寶  
胡國柱奮勇進戰遂亡於陣卹贈拖沙喇哈番  
巴特瑪滿洲鑲黃旗人初管佐領康熙十三年  
從江寧將軍額楚征逆藩耿精忠僞羅都督率  
賊萬餘來犯江南績溪縣巴特瑪隨將軍擊敗  
之又敗賊於洞庭橋至馳臺嶺復敗僞羅都督  
賊兵又敗之於休寧縣新嶺至江西饒州府樂  
平縣段家村地方擊敗僞陳叅將至饒州府雲  
起峯山復擊僞陳叅將敗之至鄱陽湖地方僞  
陳叅將率五千餘賊乘船三百餘隻水陸來犯  
仍擊敗其衆又敗僞都督於石頭街河岸僞總  
督姜德洪率五萬餘賊於弋陽縣地方修立木  
城拒守僞總兵柯勝率五千餘賊來助巴特瑪  
並隨額楚擊敗之至貴溪縣鷹潭地方僞都督  
朱天錫率賊拒戰仍擊敗之又敗僞總兵王汝  
竒五千餘賊於永豐縣金石山又敗僞總兵郭  
先張文孝等六千餘賊於艾山西行至吉安地

方有賊三千餘拒敵擊敗之十七年踰大庾嶺進攻廣東韶州府蓮花山地方中傷陣亡卹贈拖沙喇哈番

瓦爾答滿洲鑲黃旗人康熙十三年以前鋒校隨征逆藩耿精忠至枯竹地方有偽都司何楚儒率賊千餘拒敵瓦爾答擊敗之進攻建陽縣關廂偽王總兵率三千餘賊拒敵復擊敗之追至城門爲賊所傷而歿康熙二十五年敘卹贈拖沙喇哈番同旗三等侍衛僧色禮康熙十三年從征逆藩吳三桂耿精忠在江南江西行間所至有功十五年至廣東九窰十八洞地方中傷陣亡二十五年議卹贈爲拖沙喇哈番

赫西根鑲黃旗滿洲包衣人康熙十三年以委署驍騎校從征逆藩耿精忠至浙江處州府有偽葉總兵偽副將馬思等率千餘賊進至臨善村拒敵赫西根隨副都統馬哈達奮擊敗之十五年偽將軍馬九玉遣偽中軍李廷貴率兵七千逼近衢州府北原口修木城北立四營赫西

根隨定南將軍賴塔擊敗之。破其所立木營。又敗偽兵曹閔可孝。偽守備趙深等於下口地方。進至浦城縣。破賊於城之北門。十七年。海賊鄭錦遣偽總督徐堯率三萬餘賊於烏龍江前小山門鎮風山嶺。扎立十四營。修木城立寨拒敵。赫西根隨賴塔及寧海將軍喇哈達擊敗之。又擊破鎮風山嶺東邊賊營。敗偽總督興明伯趙得勝。偽將軍何猷等復分兵進攻賊二十六營。力戰陣亡。事平議。卹贈拖沙喇哈番。世職。

喀士奇。滿洲鑲黃旗人。康熙十三年。逆藩吳三桂反。喀士奇以四品官委署夸蘭。大隨安北將軍舅舅佟國綱出鎮宣府。十五年至陝西。益門鎮與賊戰。陣亡。贈拖沙喇哈番。同旗有英格者。姓鈕祜祿氏。世居長白山。康熙十三年。以三等侍衛隨征吳逆。十五年在陝西洪城黃河岸陣亡。又有顧哈禮者。姓瓜爾佳氏。世居納音地方。康熙十四年。以委署護軍校隨征吳逆。往陝西漢中府鎮守。隨將軍席卜臣於猴子嶺山巔擊

賊將軍王屏藩陣亡。又有吳世泰者。亦以委署  
護軍校。隨都統希穆禪往征吳逆。在陝西漢中  
府擊賊陣亡。

滕克。滿洲鑲黃旗人。康熙十三年。以驍騎校隨  
江寧將軍額楚征逆藩吳三桂。十六年。在廣東  
韶州府蓮花山擊賊陣亡。同旗有薩音達禮者。  
姓費莫氏。世居薩齊庫地方。以八品官從征。亦  
於廣東韶州府東山擊偽將軍馬寶陣亡。各卹  
贈拖沙喇哈番。

殷達渾。滿洲鑲黃旗人。康熙十三年。以拖沙喇  
哈番部委。參蘭大。隨順承郡<sub>王</sub>勒爾錦征湖廣。同  
正白旗都統宜禮布。至永興縣。擊賊陣亡。卹贈  
拜他喇布勒哈番。世職。同旗有部委護軍校。託  
姓衣爾佳氏。世居烏喇地方。亦於十三年。隨順  
承郡王。在荊州府太平莊。擊賊陣亡。又有駐防  
江寧驍騎校。默爾庫勒者。姓阿蘇里氏。世居薩  
哈連烏喇地方。亦於十三年。隨都統尼雅哈征  
湖廣。在岳州。擊賊陣亡。卹贈拖沙喇哈番。又有

有部委護軍校五塞者。亦於十三年隨內大臣  
阿密達。往河南擒通賊總兵官蔡祿。在事有功。  
十八年。往湖廣。在武岡州雙津浦地方擊賊陣  
亡。又有委署護軍校納星額者。於十三年隨順  
承郡王征湖廣。在永興縣擊賊陣亡。又有驍騎  
校部委章京馬海。副前鋒校伯諾和二人。並於  
十七年隨將軍穆占。征吳逆。至湖廣。在永興縣  
沿山嶺擊賊陣亡。又有副護軍校顧理者。於十六  
年隨貝勒尚善。在岳州洞庭湖擊賊陣亡。又有  
前鋒校艾圖。副參領覺羅郭和里者。於十五年  
隨安親王岳樂。征吳逆。至湖廣。在長沙府擊賊  
陣亡。又有部委護軍校傅穆拜。穆成額二人。俱  
隨將軍穆占。征吳逆。至湖廣。在長沙府擊賊陣  
亡。又有委署副參領多爾科者。姓李佳氏。世居  
查坤木地方。亦隨將軍穆占。征吳逆。至湖廣。於  
十七年六月。在永興縣擊賊將胡國柱。馬寶力  
戰陣亡。

諾莫渾。滿洲鑲黃旗人。姓伊圖馬氏。世居葉赫。

科爾沁地方。順治十七年。從征山東土賊。諾莫  
渾同四旗兵進攻。以第二人登寨克之。康熙十  
六年。隨燾章京哈克山征逆藩吳三桂。於永興  
縣擊賊。哈克山歿於陣。諾莫渾奮勇衝入賊陣。  
奪取哈克山屍。既出。復入賊陣。奪取我燾。以力  
竭亡於陣。尋議卹。授拖沙喇哈番。以其子卓爾  
博圖承襲。

馬喇希。滿洲鑲黃旗人。康熙十四年。以驍騎校  
從征陝西叛帥王輔臣。至顯義關。偽總兵高定  
蔡元率馬步四千餘。在關山河岸。札立兩營。設  
鹿角排列礮位。烏鎗挨牌拒敵。馬喇希隨前鋒  
統領穆占等。敗之。進圍秦州。有偽總兵七人。自  
四川及平涼等處。率賊萬餘來援。城內八千餘  
賊。亦帶挨牌鹿角及礮位。烏鎗。囊土填濠。出城  
夾擊我師。馬喇希隨貝勒董額力戰。敗之。次日  
四川平涼賊一萬五千餘。並城內七千餘賊。仍  
內外夾攻我師。山上賊兵復蠶擁而下。逼近我  
營於濠邊。大戰。馬喇希奮擊陣亡。二十五年。追

卹贈拖沙喇哈番

勒特熙。滿洲鑲黃旗人。姓覺羅氏。世居夾木湖地方。康熙十四年。以二等侍衛兼副護軍叅領。隨撫遠大將軍圖海。往征陝西叛鎮王輔臣。平定平涼固原。又由陝西隨征南將軍穆占。往湖廣征逆藩吳三桂。十六年三月初一日。攻長沙府。僞將軍吳國貴等率賊數萬拒敵。勒特熙奮勇進戰。中傷陣亡。十七年議卹。贈拖沙喇哈番。阿爾賽。滿洲鑲黃旗人。康熙十四年。隨定遠平

寇大將軍安親王岳樂。征逆藩吳三桂。委管左翼前鋒統領事。率前鋒兵擊賊。十戰皆克。二十一年正月。至貴州平越府水西蘆柴坑地方。力戰陣亡。二月。議卹。贈拖沙喇哈番。同旗有一等侍衛兼護軍叅領博洛者。康熙十五年。隨征逆藩吳三桂。在湖廣貴州等處。屢立戰功。十九年。至平越府。離城三十里。領本旗驍騎二十名。擊賊陣亡。卹贈拖沙喇哈番。

薩哈連。滿洲鑲黃旗人。康熙十三年。以員外郎

隨經畧莫洛征逆藩吳三桂至陝西寧羗州十  
二月提督王輔臣叛攻殺經畧薩哈連同遇害  
二十二年議卹贈拖沙喇哈番同旗<sup>有</sup>他赤哈哈  
番那桑阿者姓費莫氏世居訥音地方亦以隨  
經畧莫洛至陝西遇王輔臣之叛被害卹贈拖  
沙喇哈番以其兄雅圖承襲

胡世塔滿洲鑲黃旗人康熙十三年以護軍叅  
領銜從征逆藩吳三桂至陝西野狐嶺有馬步  
三百餘賊豎立紅燾誘戰胡世塔隨前鋒統領  
穆占等進前奮擊沿山伏賊疊起俱擊敗之進  
至陽平關僞葉總兵率賊萬餘於山頂立柵列  
營拒敵仍隨穆占等擊破其柵進至朝天關僞  
總兵石遵禮等率一萬七千餘賊於隘口修木  
城設信礮又於山下立寨兩層扎立三十餘營  
拒敵胡世塔仍隨穆占進攻敗之至保寧府僞  
總兵韓天福率賊千餘乘船而來又陸路僞副  
將二人率賊五百餘同水路賊來犯隨穆占等  
分擊敗之又敗賊於蟠龍山小梅嶺等處又連

破賊兵於龍潭驛西山進攻秦州城內外賊兵  
齊出夾攻我營胡世塔奮勇力戰被烏鎗傷陣  
亡十六年議卹優授贈爲三等阿達哈哈番  
和託滿洲鑲黃旗人祖翁阿代天聰八年以辦  
事有能授牛錄章京世職九年隨霸奇蘭薩穆  
什哈征撒哈連烏喇効力行間有功加半箇前  
程和託叔父舒什蘭承襲順治五年七年  
恩詔加一等阿達哈哈番後緣事削去  
恩詔所加之職康熙十四年和託承襲拜他喇布勒哈

番兼一拖沙喇哈番時逆藩吳三桂反和託於  
十五年從廣西進征僞將軍吳世琮馬承蔭等  
率賊於藤縣地方拒敵和託奮勇進戰陣亡二  
十三年議卹加贈爲三等阿達哈哈番

花色滿洲鑲黃旗人姓薩馬拉氏世居寧古塔  
地方康熙十五年以驍騎校隨撫遠大將軍圖  
海往征叛鎮王輔臣十六年至四川在保寧蟠  
龍山地方擊賊陣亡卹贈拖沙喇哈番同旗有  
護軍校圖弼赫者姓瓜爾佳氏世居烏喇地方

康熙十三年。以護軍校隨貝勒董額。往征逆藩吳三桂。至陝西。十四年五月。在秦州擊賊。中鳥鎗。歿於陣。

哈寧阿。鑲黃旗滿洲包衣人。姓瓜爾佳氏。康熙十五年。以委署護軍校。隨揚威大將軍簡親王喇布。征逆藩吳三桂。至江西。擊賊有功。十六年十二月。敗賊於吉安府樟坑嶺。十七年。進勦老虎洞。又征青龍嶺。並有功。尋委署護軍叅領。又委署護軍統領。是年六月。在永順縣與偽將軍

馬寶。胡國柱等戰。哈寧阿領燾進擊。中礮陣亡。四格。色滿洲鑲黃旗人。世居夾木湖地方。康熙十六年。以驍騎校。委署副叅領。隨江寧將軍額楚。征逆藩吳三桂。至江西吉安府。擊賊陣亡。卹贈拖沙喇哈番。同旗有筆帖式大伊。亦以是役力戰陣亡。又有部。委署護軍校。胡什布者。隨安親王岳樂。征逆藩。取精忠。至江西。在建昌府石峽地方陣亡。

邁圖。滿洲鑲黃旗人。初任七品官。康熙十六年

從征逆藩吳三桂至湖廣興國州賊首陳留音  
朱重仁等率六千餘賊自江西鄱陽湖岔口村  
來戰邁圖率本甲喇兵隨將軍敗之又敗之於  
鄱陽湖艾影山又擊破賊船三百餘於瀾口十  
七年從安親王岳樂擊偽將軍夏國相李良棟  
等於袁州平鄉縣東來龍山中傷陣亡二十一  
年議卹贈拖沙喇哈番

覺羅努黑勒滿洲鑲黃旗人

景祖翼皇帝第五弟之四世孫也康熙十四年以一等

侍衛從征逆藩吳三桂至湖廣偽將軍杜輝巴  
養元姜毅等率二萬餘賊乘船二百餘來犯柳  
林嘴努黑勒隨討逆將軍鄂內率舟師擊敗之  
杜輝等又率賊來犯君山仍以舟師連敗其衆  
進至湘陰縣距縣城五里敗賊衆二千餘十九  
年進至貴州擊吳逆偽將軍高起龍等中傷陣  
亡二十五年議卹贈拖沙喇哈番  
額亦圖滿洲鑲黃旗人康熙十四年以前鋒校  
從征逆藩取精忠至江西偽伯樂燦於宜黃縣

東山率四千餘賊挑濠拒敵。額亦圖隨侍郎舒  
恕進擊敗之。十五年隨安親王岳樂征逆藩吳  
三桂。至湖廣攻長沙。擊城內出戰。賊兵力戰陣  
亡。二十一年議卹。贈拖沙喇哈番。

董重民。鑲黃旗滿洲包衣人。康熙十九年六月  
以四品官奉

命往雲南招撫逆藩吳三桂之孫逆孽吳世璠。曉譬再  
三世璠抗違不從。重民以理切責之。遂被害。二  
十一年八月十九日奉

恩旨。追贈都司僉書。遣官致祭。仍廕其子董高巴五品  
官。

阿鼎。滿洲鑲黃旗人。姓覺羅氏。世居羅里村地  
方。康熙二十年。以護軍校隨征南大將軍賴塔  
征逆孽吳世璠。至雲南。在桂花寺擊賊陣亡。同  
旗有前鋒校富喀者。隨康親王傑書征海寇。擊  
賊將劉國軒陣亡。

赫色。滿洲鑲黃旗人。康熙二十九年。以委署護  
軍校隨裕親王福全征厄魯特。噶爾丹至烏爾

布通地方遇賊力戰陣亡。卹贈沙喇哈番同旗。有驍騎校鄂代者。亦以是役力戰陣亡。卹贈拖沙喇哈番。又有蒙署護軍校蒙武者。姓伊喇里氏。世居哈爾閔地方。亦以是役力戰陣亡。

韓大任。鑲黃旗滿洲包衣人。原任總管白陵之孫。備禦韓成之子。早年在逆藩吳三桂藩下。順治十五十六年間。從征四川雲南。平定偽桂王。在軍前有功。康熙十二年冬。三桂反。大任從逆。領賊兵攻陷吉安。十六年。螺子山之戰。官兵三。次失利。十七年正月。護軍統領哈克山擊敗其衆。大任遂由贛州取福建。詣康親王傑書軍前投降。奉。

### 音械送來京

聖祖仁皇帝念其精熟軍務。免死。授奉宸院員外郎。二十九年。授火器營營長。隨撫遠大將軍福全征厄魯特。噶爾丹。與賊兵戰於烏蘭布通地方。賊兵在林間。卧駱駝為陣。我右翼兵少挫。一等公佟國綱歿於陣。大任遂奮勇殺入賊陣。中刀鎗。

傷六處不退。力戰而死。我左翼兵從山腰捲入。始大破賊兵。三十年議敘軍功。以大任死事。卹贈拖沙喇哈番。以其子韓秀承襲。

常五。滿洲鑲黃旗人。任護軍叅領。康熙三十五年。隨撫遠大將軍伯費揚古。往征厄魯特。噶爾丹在昭莫多地方擊賊陣亡。卹贈拖沙喇哈番。是役同旗有部。委護軍校喀喀齊前鋒薩哈達。老格。馬蘭泰。護軍覺和託雅隆。阿並。以力戰陣亡。俱贈以七品官。又有科爾沁公主府長史道。

纏者。亦以隨征。至它嶺地方。奉使往諭噶爾丹。至厄魯特地方遇害。卹贈拖沙喇哈番。

巴朗。滿洲鑲黃旗人。姓董家氏。世居夾木湖地方。原任拖沙喇哈番。兼三等待衛。康熙五十四年。告請往阿爾泰軍前効力。五十九年。又告從前鋒統領塞楞。進至吉爾哈筭地方。與賊厄魯特遇。巴朗首先入陣。射殺賊兵三名。婦人一口。又進大隊擊賊。佩箭射完。又將身所中賊箭。拔出。射殺賊兵一名。遂歿於陣。

諾里爾達滿洲鑲黃旗人。姓莫爾濟勒氏。世居黑龍江巴林地方。康熙五十五年。選十五名侍衛。隨衣都章京塞楞進藏。諾里爾達以二等侍衛從焉。至喀喇烏蘇察罕鄂布地方。與賊相遇。諾里爾達奮不顧身。揮戈進擊。轉戰數日。遂歿於陣。

欽賜祭葬。卹贈拖沙喇哈番。以其養子傅亭阿承襲。同

旗。有祈穆禪者。康熙五十六年。以護軍校部委

章京。隨都統胡世圖往西寧。選列侍衛。隨衣都

章京塞楞進藏。亦於喀喇烏蘇察罕鄂布地方。

力戰。被創傷。發旋卒。得賞銀二百兩。

德明滿洲鑲黃旗人。姓勒第氏。世居薩哈連烏

喇地方。任二等侍衛。雍正七年。隨靖邊大將軍

公傅爾丹由北路進勦準噶爾。九年。至和通胡

爾漢諾爾地方。賊兵設伏拒敵。德明力戰陣亡。

是役也。同旗有護軍校常存者。世居薩克達地

方。以地爲姓。及護軍校達色福。受亦皆同時戰

歿。各

賜祭一次俱贈一拖沙喇哈番與其子襲職。

德福受滿洲鑲黃旗人姓鄂爾葛氏世居薩哈連烏喇鄂爾葛村由驍騎校陞授蘇喇章京雍正七年部委叅領隨靖邊大將軍公傅爾丹由北路進勦準噶爾九年六月與賊遇於和通胡爾漢諾爾地方德福受率兵奮擊戰歿於陣。

欽賜祭葬卹贈拖沙喇哈番以其子佛保住承襲。

安啟滿洲鑲黃旗人姓俞窟里氏世居虎爾哈松阿里江由副叅領部委叅領雍正七年隨大

將軍公傅爾丹由北路進勦準噶爾九年遇賊於和通胡爾漢諾爾地方力戰陣亡又同旗二等侍衛烏爾察圖姓郭武爾氏世居薩哈連烏喇地方亦於七年從征九年九月至坤齊圖庫魁察罕布爾噶<sup>喀</sup>蘇地方擊賊陣亡議卹各贈一拖沙喇哈番。

理興滿洲鑲黃旗人姓穩赤亨氏世居烏喇地方任前鋒校雍正七年隨大將軍公傅爾丹由北路進征準噶爾九年至和通胡爾漢諾爾地

方遇賊拒敵理興奮勇進擊戰歿於陣是役也  
同旗有長鎗營護軍校額什特。姓瓜爾佳氏。世  
居遼河地方。七十六。姓納喇氏。世居張尼郭羅  
地方。又有護軍校按達海。姓鄂穆它氏。世居尼  
馬察地方。安泰。姓伊爾根覺羅氏。世居洛里村。  
俱同時力戰陣亡。各

賜祭一次。卹贈拖沙喇哈番。與其子承襲。



